



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS

ISIXHOSA ULWIMI LOKUQALA OLONGEZELELWEYO (FAL)

IPHEPHA LOKUQALA (P1)

2021

AMANQAKU: 80

IXESHA: liyure 2

Olu viwo lunamaphepha ali-14.



IMIYALELO NENGCACISO

1. Eli phepha lemibuzo linamaCANDELO AMATHATHU angala:

ICANDELO A: Uvavanyo lokuqonda	(30)
ICANDELO B: Ushwankathelo	(10)
ICANDELO C: Izakhi nemigaqo yokusetyenziswa kolwimi	(40)
2. Phendula YONKE imibuzo.
3. Qala ICANDELO NGALINYE kwiphepha ELITSHA.
4. Krwela umgca ekupheleni kweCANDELO NGALINYE.
5. Nombola iimpendulo zakho ngokuchanekileyo ngokwendlela yokunombola esetyenzisiweyo kwiphepha lemibuzo.
6. Shiya umgca emva kwempendulo ngaNYE.
7. Qwalasela ngokukodwa upelo nolwakhiwo lwezivakalisi.
8. Iingcebiso malunga nolwabiwo lwexesha:

ICANDELO A: Imizuzu engama-50	
ICANDELO B: Imizuzu engama-20	
ICANDELO C: Imizuzu engama-50	
9. Bhala ngokucekileyo nangokucacileyo.



ICANDELO A: UVAVANYO LOKUQONDA

UMBUZO 1

1.1 Funda esi sicutshulwa singezantsi uze uphendule imibuzo elandelayo.

ISICATSHULWA A

USIYA KOLISI – UMZEKELO WEMPUMELELO

- 1 Unyaka we-1995 uya kuhlala ukhunjulwa ngabemi beli loMzantsi Afrika njengonyaka owathi wabazisela ubumnandi nobuncwane bokumanyana njengesizwe. Olu manyano lwalubangelwa yimincili yokuba iqela leli kwezombhoxo, amaBhokobhoko, laliphumelele indebe yehlabathi. Imibhiyozo yayikho phantse kuzo zonke iidolophu zeli. Kuloo mibhiyozo yayilapho nayo inkwenkwana uSiyamathanda Kolisi. Wayethe swii yi'haka' eyingoma yokukhuthaza nokumpompa iqela lase-New Zealand, i-All Blacks. Wayesoloko eyicula le 'haka' ngalo lonke ixesha, elinganisa abadlali be-All Blacks. Kwathi kanti elo iza kuba linyathelo elimsa empumelelweni kwezombhoxo. 5 10
- 2 Ngomhla wesibini kuNovemba wama-2019 abalandeli nabathandi bamaBhokobhoko babethe **xhonkxosholo** kwisikhululo seenqwelomoya i-OR Tambo, beze kuvuyisana noSiya Kolisi neqela lakhe ngokuphumelela indebe yehlabathi ebibanjelwe eJapan. Emva koku, eli qela liye lajikeleziswa ngebhasi ePitoli, eThekwini, eMonti, eBhayi nakwelaseKapa ngeentsuku nje ezimbalwa. Ngalo lonke elo xesha lo kaKolisi uyithe qhiwu ngebhongo i-Webb Ellis Cup elangazelelwa nguye wonke umqeqeshi wombhoxo ehlabathini liphela. Umf'omkhulu unomtsalane ngeendlela ezininzi. Unesidima, uthobekile, unentlonipho nothando olungazenzisiyo kubantu beli loMzantsi Afrika, inkokeli yokwenene. Uthetha athi, 'kundivuyisa kakhulu ukubona abantu bonwabile, kuba nabo banenxaxheba abayidlalileyo kule mpumelelo yethu.' Atsho esithi, unqwenela ukuhlala esenza kakuhle nangakumbi ngoku kunangaphambili. Ngaphezulu, ukwangwenela ukuba le mpumelelo imanye isizwe. 15 20 25
- 3 NgokukaKolisi intlupheko kweli lizwe isagquba, ngakumbi kubantu abaMnyama kwaye yena uyazi kuye, akayiva ngokubaliselwa. **Intlungu** yokulala ngamanzi uyivile. **Intlungu** yokuswela imali yentlawulo yesikolo engama-R50 uyayazi. **Intlungu** yokuswelekelwa ngumzalikazi eseneminyaka eli-15 uyazi kakuhle. Nangona kunjalo, zonke ezi meko zibuhlungu azizange zimqhubele ezitratweni ngenjongo yokuzitshabalalisa. Uthi xa achaza imvelaphi yakhe, isixhobo sokudlala asaziyo yena esengumntwana lilitye kuphela. Ngala mava okwazi intlungu yokuswela la amenza ukuba azimisele ukunceda abo bangathathi ntweni ngalo lonke ixesha enako. 30 35

- 4 Kwamnceda kakhulu ukuzigcinisa kubadlali begela lombhoxo i-*African Bombers*, kuba watsho wadlala ngebhola endaweni yelitye. Italente yakhe yaloleka yaqaqamba apha. Zalandela izincomo zabantu zimkhwebela ithamsanqa lokukhangelwa zizikolo ngenjongo yokumkhulisa kwezombhoxo, zimqeqeshele ukuba adlalele zona. 40
Wawelwa ngumqa esandleni! Yamthatha i-*Grey Junior School* yase*Bhayi*. Yamhlawulela yonke imali yokufunda nokuhlala esikolweni, de wadlulela kwesamabanga aphakamileyo i-*Grey High School*, iziko elinembali etyebileyo kwezomdlalo wombhoxo. Waphekwa wavuthwa pece, wakulungela ukunyuka amanqanaba ngamanqanaba amthathe 45
ada ambeka kweli zinga akulo namhlanje.
- 5 Kukuzinikela kukaSiya kumdlalo wombhoxo okumqhubele kule ndlela yempumelelo ayihambayo namhlanje. Uyintandane yabemi beli lizwe bebonke; omdala nomncinci uzingomba isifuba ngale nkokeli yamaBhokobhoko. Le ndumasi uyifumene ngakumbi emva 50
kwempumelelo yeqela lakhe kwindebe yehlabathi. Sithetha nje iinkampani ezinkulu zimfuna ngamandla, zifuna abebubuso bazo ukusukela kwiveldskoene ukuya kwimpahla yamadoda yangaphantsi. Kuvakala ukuba nezikhokho zeenkampani ezingoo*Rock Nation Sports no-Jay-Z's* zimlalele kakhulu. Ngubani onokuliyeka elinje lona ithuba? 55
UKolisi, uyinkokeli eseneminyaka engama-28. Ugqame kwezinye iinkokeli ngeempawu zobuntu nobuthandazwe. Uza kulikhokela kwakhona iqela lesizwe nangowama-2023.
- 6 Lo kaKolisi uthi usapho lwakhe lunendima enkulu oluyidlalileyo kwimpumelelo yakhe kwezombhoxo. Njengekaptani yokuqala eMnyama 60
yeqela le*Springbok* uSiya ulubuyisele umanyano lwabemi beli kwezemidlalo. Ukuphumelela indebe yehlabathi kuyinto ekucacileyo ukuba ibifuneka ngamandla kweli laseMzantsi Afrika, kuba kutsho kwavuselela ihlombe ebantwini, wongeze ngelitshoyo. Imbali yakhe echukumisayo ibubungqina bokuba impumelelo ayizi lula kodwa 65
ngokuzithemba nangokusebenza nzima iyafumaneka. **USiya Kolisi uyinkokeli enomahluko**, kangangokuba akazubayinkokeli yomzuzwana. Oku kungqinwa yempumelelo yakhe.

[Sithatyathwe kwiMagazini, *i-Equinox*; Febhruwari 2020, iphepha lama-31–32 saza saguqulelwa, salungiselelwa uviwo]

Jonga kumhlathi 1

- 1.1.1 Xela ukuba uya kuhlala ukhunjulwa ngantoni unyaka we-1995 kweli lizwe. (1)
- 1.1.2 Chonga igama kulo mhlathi elithetha ukuba uSiya Kolisi wayesemncinane ngeminyaka ngaloo nyaka we-1995. (1)
- 1.1.3 Yintoni eyayitsala umdla kaKolisi kwiqela le-All Blacks ngokwalo mhlathi? (1)



Jonga kumhlathi 2

- 1.1.4 Xela umfanekiso-ngqondweni oziswa ligama elibhalwe ngqindilili kulo mhlathi. (1)
- 1.1.5 Nika isizathu sokusetyenziswa kweekoma kwisivakalisi esingezantsi.
- '... eli qela liye lajikeleziswa ngebhasi ePitoli, eThekwini, eMonti, eBhayi nakwelaseKapa ...' (1)
- 1.1.6 Khankanya zibeMBINI iimpawu zesimo sikaKolisi ezifumaneka kulo mhlathi. (2)
- 1.1.7 Khetha impendulo echanekileyo kwezi zilandelayo. Igama, 'ukwangwenela', elikrwelelwe umgca ngaphantsi kulo mhlathi libonisa ... ulwazi.
- A ukwahlula
B ukongeza
C ukuthelekisa
D ukuphungula (1)

Jonga kumhlathi 3

- 1.1.8 Lubethelela ngcinga ni uphindaphindo lwegama, 'intlungu' elibhalwe ngqindilili kulo mhlathi? (2)
- 1.1.9 Xela injongo yokusetyenziswa kwesi sivakalisi singezantsi.
- Nangona kunjalo, zonke ezi meko zibuhlungu azizange zimqhubele ezitratweni ngenjongo yokuzitshabalalisa. (2)

Jonga kumhlathi 4

- 1.1.10 Sibhekiselele entweni isakhi, 'zi' esikrwelelwe umgca ngaphantsi kwesi sivakalisi silandelayo? Zalandela izincomo zabantu zimkhwebela ithamsanqa ... (1)
- 1.1.11 Yakha isivakalisi ngegama, 'iziko' ukuze linike intsingiselo engeyiyo le ikwesi sivakalisi singezantsi.
- Yamhlawulela yonke imali yokufunda ... i-Grey High School, iziko elinembali etyebileyo kwezomdlalo wombhoxo. (2)
- 1.1.12 Cacisa ukuchaneka kwentetho, 'wawelwa ngumqa esandleni', xa kubhekiswa kuKolisi ngokwalo mhlathi. Cwancisa impendulo yakho ngolu hlobo:
- (a) Ingcaciso ngentetho ethi, 'ukuwelwa ngumqa esandleni.' (1)
- (b) Ukuchaneka kwale ntetho ngokubhekiselele kuKolisi. (1)

Jonga kumhlathi 5



1.1.13 Chonga igama kwisivakalisi esingezantsi, eselisetyenziswa kutshanje ukubonisa ukugqwesa kweenkampani ekuthethwa ngazo.

Kuvakala ukuba nezikhokho zeenkampani ezingoo*Rock Nation Sports no-Jay-Z's* zimlalele kakhulu

(1)

1.1.14 Tolika okuthethwa sisivakalisi esikrwelelwe umgca ngaphantsi kulo mhlathi.

(2)

Jonga kumhlathi 6

1.1.15 Ingaba uyavumelana noluvo oluthi uSiya ulubuyisele umanyano lwabemi beli kwezemidlalo? Xhasa impendulo yakho.

(2)

1.1.16 Caphula isivakalisi kumhlathi wesi-5 esixhasa imbono ebhalwe ngqindilili kumhlathi wesi-6 ethi, uSiya Kolisi uyinkokeli enomahluko.

(2)

1.2 Funda lo mfanekiso ungezantsi uze uphendule imibuzo elandelayo.

ISICATSHULWA B: OKUBONWAYO



[Uthatyathwe kwi-www.healthyliving.com waza wahlelwa]

1.2.1 Chaza uvakalelo lwabantu abasemfanekisweni. Xhasa impendulo yakho.

(2)

1.2.2 Leliphi iqela labantu elimelwe sisithathu esikulo mfanekiso?

(2)

1.2.3 Myalezo mni odluliswa ngulo mfanekiso?

(2)

AMANQAKU ECANDELO A: 30

ICANDELO B: USHWANKATHELO

UMBUZO 2

Isicatshulwa C esingezantsi simalunga **nokugcina ingqondo ihlaziyekile**.

Funda isicatshulwa C esingezantsi uze ubhale iingongoma eziphambili unika iingcebiso ezingezinto amakazenze umntu ukugcina ingqondo yakhe ihlaziyekile.

IMIYALELO

1. Bhala isishwankathelo sibe kwimo yeengongoma ungadluli kumagama angama-70.
2. Nombola izivakalisi zakho ukusuka ku-1 ukuya ku-7.
3. Sebenzisa izivakalisi ezipheleleyo ukubhala iingongoma.
4. Sebenzisa AMAZWI AKHO kangangoko unako.
5. Bhala inani lamagama owasebenzisileyo kwizibiyeli ekupheleni kwesishwankathelo.

ISICATSHULWA C

GCINA INGQONDO YAKHO IHLAZIYEKILE

Ingqondo yomntu ifana nqwa nenjini yemoto, ukuba imoto ithi ukuze ihambe kakuhle ifumane isevisi, nengqondo ikwanjalo. Ezi ndlela zilandelayo ziyakunceda ukugcina ingqondo yakho ihlaziyekile:

Yitya ukutya okunamafutha ondla ingqondo ukuze iiseli zayo zihlale ziphilile. Ukutya amafutha angekho mpilweni kwenza ukuba iseli zobuchopho zibenenwebu eqinileyo, ze oko kwenza ukuba ingqondo ingabinaso isakhono sokusombulula iingxaki nokugcina ulwazi.

Yigcine icocekile ingqondo yakho ngokulala ngokwaneleyo, ukuze ifumane ithuba lokuzicoca. Ixesha elaneleyo ziinyure ezisixhenxe ukuya kwezisibhozo, ulele cum ungaphazanyiswa nto. Ngoko ke cima izibane nazo zonke izixhobo zetekhnoloji.

Lola ingqondo ngokusoloko ufunda izinto ezintsha ukuze ihlale ivulekile neeseli zayo zikhule. Oku ungakwenza ngokuqalisa ukufunda ezinye iilwimi ezingelolwimi lwakho, izixhobo zomculo nangokufunda isigama esitsha solwakho ulwimi mihla yonke.

Sukuxakekisa ingqondo yakho ngokwenza imisebenzi emininzi ngexesha elinye kuba oko kuyenza ingabinamandla. Yimilisele ingqondo kuloo nto inye uyenzayo uzokubanempumelelo nomsebenzi ocoselelekileyo.

Zakhele ubuhlobo nabanye abantu ukuze ubenokuzithemba nengqondo yakho ihlale ikhululekile. Umntu ophila yedwa uhlala enexhala elenza ingqondo ingasebenzi kakuhle. Ukubanabahlobo kuvuselela amandla engqondo.

Lwamkele utshintsho olwenzeka ebomini bakho ujonge ukuba lungaluncedo njani kuwe, ungaloyiki, kuba nalo luyayikhulisa ingqondo. Oku kwenza ukuba uzithembe ubenengqondo ephaphileyo yokumelana nezinto ezintsha, ungazibophelela kwizinto oziqhelileyo kuphela.

Yigcine ihlaziyekile ingqondo yakho ngokuzilolonga ngemithambo nokuba yeyemizuzu engamashumi amathathu ngosuku. Ukuthamba kunyusa isantya sokubetha kwentliziyo litsho igazi lise ioksijini nezakhamzimba ebuchotsheni, kukhule iiseli zengqondo. Lilonke, ingqondo ifuna ukusetyenziswa, yondliwe, igcinwe isempilweni ngalo lonke ixesha izokubanamandla.

[Sicatshulwe kwiMagazini, i-Move, EyoMqungu 2020; iphepha 50–51, salungiselwa uviwo]

AMANQAKU ECANDELO B: 10



ICANDELO C: IZAKHI NEMIGAQO YOKUSETYENZISWA KOLWIMI

UMBUZO 3: ISIBHENGEZO-NTENGISO

Funda esi sibhengezo-ntengiso singezantsi uze uphendule imibuzo elandelayo.

ISICATSHULWA D

**Zifumane ngoMvulo nangoLwesibini
KUPHELA!**

Thenga ngale khuponi
iperi enye, ze ufumane
enye **SIMAHLA**
kwiindidi zonke
zezihlangu!



Ewe, uthatha nje iperi
enye, uzuze enye elingana
nayo okanye engaphantsi
kuyo ngexabiso.
VERY FINE SHOES!



UNESMARTPHONE?
Gcina le khuponi kwiselula yakho
usebenzisa iephu eyiNeoReader kwi-
iPhone, Blackberry okanye iAndroid
uskene ikhowudi iQR esekunene.



Dowunlowuda le NeoReader APP mahala!



[Ithatyathwe kugooglepics.com yaza salungiselelwa uviwo]

- 3.1 Xela ukuba igama, 'iperi' libolekwe koluphi ulwimi. (1)
- 3.2 Kutheni ebhalwe ngeefonti ezahlukileyo amagama akule ntengiso? (1)

3.3 Khetha impendulo echanekileyo kwezi zilandelayo. Igama, 'kuphela' elikule ntengiso ligxininisa ukuba:

- A Ziyafumaneka nangezinye iintsuku.
- B Ziyafumaneka ngempela veki.
- C Azifumaneki ngezinye iinyanga.
- D Azifumaneki ngezinye iintsuku.

(1)

3.4 Chonga u-'nye' ongelilo inani kwesi sivakalisi silandelayo.

Thenga iperi ibenye ukuze uzikhethele enye simahla.

(1)

3.5 Khankanya zibeMBINI izinto onokuzenza ngefowuni eluhlobo lwe-Smartphone ngokwale ntengiso.

(2)

3.6 Chaza indlela azikhusela ngayo umthengisi ukuze angalahlekelwa yimali eninzi ngenxa yale seyile.

(2)

3.7 Ingaba umthengisi uphumelele ukubakhuthaza abathengi ukuba babeneekhuponi? Xhasa impendulo yakho.

(2)


[10]



UMBUZO 4: IKHATHUNI

Funda le khathuni uze uphendule imibuzo elandelayo.

ISICATSHULWA E



[Ithathwe kwi-www.comicstrips.com yalungiselelwa uviwo]

- 4.1 Chonga amagama amaBINI kwisakhelo soku-1 angqina ukuba uZet udikiwe. (2)
- 4.2 Inika ngcinga ni ngeESPN intetho kaZet ekwisakhelo sesi-2? (2)
- 4.3 Khetha impendulo echanekileyo kwezi zilandeyo. Intetho kaZet ekwisakhelo sesi-3 ibonisa ukuba ... (1)
 - A uyakhalaza.
 - B uyakhalala.
 - C uyacenga.
 - D uyabonisa.
- 4.4 Xela isakhelo ekusetyenziswe kuso ielipsisi kule khathuni. (1)
- 4.5 Ingaba uyavelana noZet ngemeko akuyo? Xhasa impendulo yakho. (2)
- 4.6 Yintoni injongo yomzobi ngale khathuni? (2)

[10]

UMBUZO 5: IPROZI

5.1 Funda esi sicutshulwa singezantsi uze uphendule imibuzo elandelayo.

ISICATSHULWA F

UJALI UFUNA IMALI ESANDLENI

Njengokuba amaqela amakhulu emfuna onke umdlali weBafana Bafana, uAndile Jali - elona qela elakumsayina lelo liya kuthi limnike imali eya kuthi imonelise. Umphathi walo mdlali, uMike Makaab, uthi uJali ufuna iqela eliza kumnika umgodlo oncumisayo. Kumaqela ekuvakala ukuba **angayifuna** le ngcaphephe kubalwa phakathi kwawo iKaizer Chiefs, iOrlando Pirates awayeyidlalela ngaphambili neMamelodi Sundowns, edume ngokuchitha iimali ezinkulu. 5

Kwiiveki ezimbalwa ezidlulileyo uJali uxelele amajelo eendaba okokuba yena ubuyela kowabo kwaye uza kube edlalela elinye lamaqela akwiPremier Soccer League kwisizini ezayo. UMakaab uxelele iSolezwe okokuba phantse onke amaqela athethile naye malunga nokufumaneka kukaJali. 'Onke amaqela andibuza ngemeko kaJali, kodwa okwangoku, alikho iqela esixoxa nalo,' utshilo. 10

[Sicutshulwe kwi-'Solezwe. kaTshazimpuzi 2018, yalungiselelwa uviwo]

5.1.1 Khetha isimelabizo soquko kwesi sivakalisi singezantsi.

Njengokuba amaqela amakhulu emfuna onke umdlali weBafana Bafana ...

(1)

5.1.2 Lungisa esi sivakalisi singezantsi ngokuthi uphungule uphindaphindo olungeyomfuneko.

Elona qela lakumsayina uJali lelo lakuthi limnike imali uJali enokumonelisa uJali.

(2)

5.1.3 Khetha impendulo echanekileyo kwezi zilandelayo.

Igama, '**angayifuna**' elibhalwe ngqindilili kwisicutshulwa linika intsingiselo yokuba:

- A Isenzo sele senzekile.
- B Isenzo sinakho ukwenzeka.
- C Isenzo asinakwenzeka.
- D Isenzo siza kwenzeka.

(1)



5.1.4

Chonga amagama amathathu alandelelanayo kwesi sivakalisi silandelayo, athetha ukuba akukudalanga uJali ethethe namajelo eendaba.

Kwiiveki ezimbalwa ezidlulileyo uJali uxelele amajelo eendaba okokuba yena ubuyela kowabo ...

(1)

5.1.5

Fakela isimaphambili kwisiqu, '-phatha'ukuze kwakheke isibizo wandule ukusibenzisa ngokuchanekileyo kwisivakalisi.

Cwangcisa impendulo yakho ngolu hlobo:

(a) Isibizo

(1)

(b) Isivakalisi

(1)

5.1.6

Guqula esi sivakalisi sibekwintetho-ngqo.

UJali uthe uza kubuyela kowabo.

(3)

5.1.7

Xela iindidi zezivumelanisi ezibhalwe ngqindili kwesi sivakalisi.

Onke amaqela **andibuza** ngemeko **kaJali**.

Cwangcisa impendulo yakho ngolu hlobo:

(a) **andibuza**

(1)

(b) **kaJali**

(1)

5.1.8

Bhala la magama abhalwe ngqindilili ngendlela alandelelana ngayo kwisichazi-magama (kwidikshinari).

I'Solezwe lifumaneka ngazo **zonke** iisizini **zonyaka**.

(2)



5.2 Funda lo mfanekiso ungezantsi uze uphendule imibuzo elandelayo.

ISICATSHULWA G: UMFANEKISO



[Uthatyathwe kwi-www.sportforliving.com]

5.2.1 Guqula isivakalisi esingezantsi sibe kwimo yombuzo.

Umdlalo uyimpilo kuye wonke umntu. (2)

5.2.2 Bhala kwakhona esi sivakalisi silandelayo usiqale ngegama elikrwelelwe umgca ngaphantsi.

Ungadlala nawe njengooThsana aba. (2)

5.2.3 Yakha isivakalisi ngesenzi, 'khabela' ukuze sithathe iinjongosenzi ezimbini.

**Umzekelo: Isenzi (tyisa)
Usisi utyisa umntwana ukutya.**

(2)
[20]

**AMANQAKU ECANDELO C: 40
AMANQAKU EWONKE: 80**



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS

ISIXHOSA ULWIMI LOKUQALA OLONGEZELELWEYO (FAL)

IPHEPHA LOKUQALA (P1)

2021

ISIKHOKELO SOKUMAKISHA

AMANQAKU: 80

Esi sikhokelo sokumakisha sinamaphepha ali-9.

ICANDELO A: UVAVANYO LOKUQONDA

UMBUZO 1

Ukumakisha uvavanyo lokuqonda

1. Ngenxa yokuba kugxininiswa kwingqiqo, upelo olungachanekanga neziphene zolwimi kwiimpindulo mazingohlwaywa ngaphandle kokuba ezo ziphene zitshintsha intsingiselo/ingqiqo. (Kuseyimfuneko ukuba iziphene zibonakaliswe.)
2. Ukuba umviwa usebenzisa amagama athatyathwe kolunye ulwimi olungelulo olu luviwayo, musa ukuwananza loo magama, kwaye ukuba impendulo isavakala ilungile, sukunika sohlwayo. Ukanti ke, ukuba igama elisuka kolunye ulwimi lisetyenzisiwe kwitekisi kwaye liyayincedisa impendulo, oku kuyakwamkeleka.
3. Ngokubhekiselele **kwimibuzo emalunga nokuthatha icala uze uzixhase**, akukho manqaku anikwayo kwiimpindulo ezingu-EWE/HAYI, noNDIYAVUMELANA/ANDIVUMELANI. Isizathu/Ukunika ubungqina/nokuxhasa zizo ezimele ukunikwa ingqwalasela.
4. Akukho manqaku anikwayo kwiimpindulo ezingu-YINYANISO/BUBUXOKI, noYINYANI/LULUVO. Ukunika isizathu/ukunika ubungqina/ukuxhasa kukona makuthathelwe ingqalelo.
5. Xa impendulo efunwayo iligama elinye, aze umviwa anike impendulo esi-sivakalisi esipheleleyo, oku makumakishwe nje ngokuchanekileyo kuphela xa igama elichanekileyo likrwelelwe umgca ngaphantsi/ligqanyisiwe.
6. Xa kufunwa iimpindulo ezimbini/ezintathu/iingongoma ezimbini kwezintathu, aze umviwa anike ezingaphaya kweziqingqiweyo kumyalelo, makisha kuphela isibini okanye isithathu sokuqala ngokuhambelana nombuzo.
7. Kwamkele ukwahluka kwendlela yokubeka impendulo okudalwa kukusetyenziswa kweelwimi zengingqi.
8. Ngokubhekiselele kwimibuzo ekhethisa impendulo echanekileyo, yamkela ZOMBINI, unobumba ohambelana nempendulo echanekileyo KUNYE/OKANYE impendulo ebhalwe ngokupheleleyo.

1.1

1.1.1

1.1.2.

1.1.3.

1.1.4

1.1.5

1.1.6

1.1.7

1.1.8

1.1.9

1.1.10

1.1.11



1.1.12 (a) Ukuwelwa ngumqa esandleni kuthetha ukufumana ithamsanqa lento ongayibilelanga.✓ (1)

(b) USiya Kolisi ufumene ithamsanqa lokuthathwa liqela le-African Bombers limqeqeshe✓/ uSiya Kolisi ufumene ithamsanqa lokukhethwa afundiswe sisikolo samabanga aphantsi i-Grey Junior, imhlawulele yonke imali yokufunda neyokuhlala esikolweni✓/uSiya Kolisi ufumene ithamsanqa lokuqeqeshwa sisikolo samabanga aphezulu i-Grey High kumdlalo wombhoxo.✓

[Nayiphi enye kwezi.] (1)

1.1.13 ... nezikhokho.✓ (1)

1.1.14 Zifuna abonakale kuzo zonke iimveliso zazo✓✓/zifuna ukusebenzisa imifanekiso yakhe ukuthengisa iimveliso zazo/zifuna azimele ekubhengezeni iimveliso zazo.✓✓

[Nayiphi impendulo echanekileyo iya kwamkeleka.] (2)

1.1.15 Ndiyavumelana kuba abemi boMzantsi Afrika babonakele belixhasa ngobuninzi eli qela, kuquka abeentlanga ngeentlanga.✓✓

OKANYE

Andivumelani kuba uninzi lwabantu abamxhasileyo uSiya ngabo bebekade bewulandela umdlalo wombhoxo✓✓/akukho bungqina bokuba iintlanga zaseMzantsi Afrika ngoku ziyathandana kwaye zamkelene ngenxa yempumelelo yamaBhokobhoko.✓✓

[Nayiphi impendulo echanekileyo iya kwamkeleka.] (2)

1.1.16 “Uggame kwezinye iinkokeli ngeempawu zobuntu nobuthandazwe.” ✓✓ (2)

1.2 ISICATSHULWA B

1.2.1 Luvakalelo lokonwaba✓/kuba bancumile.✓ (2)

1.2.2 Lelabantu abathanda imidlalo✓✓/lelabantu abaphila kwiimeko zobugxwayiba abathi bazonwabise ngemidlalo✓✓/lelamlakhwenkwana aselula athanda imidlalo.✓✓ (2)

1.2.3 Ngowokuba iitalente zabantwana mazilolwe besebancinci ukuze zibabeke kwinqanaba lokuba ziintshatsheli kwixesha elizayo✓✓/ngowokuba imidlalo ithandwa kwaye yonwatyelwa ngabantu bonke✓✓/ ngowokuba amaphupha akhe umntu makawalandele naphantsi kwaziphi na iimeko.✓✓

[Nayiphi impendulo echanekileyo iya kwamkeleka.] (2)

AMANQAKU ECANDELO A: 30

ICANDELO B: USHWANKATHELO

UMBUZO 2

Ukumakisha ushwankathelo

Ukumakisha isishwankathelo kusekwe ekugqaleni iingongoma ezingundoqo.

Ushwankathelo malumakishwe ngolu hlobo:

- **Ulwabiwo-manqaku**
 - Amanqaku asi-7 ngeengongoma ezisi-7. (Inqaku elinye ngengongoma nganye).
 - Amanqaku ama-3 olwimi.
 - Amanqaku ewonke: 10
- **Ulwabiwo lwamanqaku olwimi xa umfundi engacaphulanga ngqo.**
 - 1–3 iingongoma ezichanekileyo: Nika inqaku eli-1.
 - 4–5 iingongoma ezichanekileyo: Nika amanqaku ama-2.
 - 6–7 iingongoma ezichanekileyo: Nika amanqaku ama-3.
- **Ulwabiwo lwamanqaku olwimi xa umfundi ecaphule ngqo.**
 - 6–7 iingongoma ezicatshulwe ngqo: Makanganikwa NALINYE inqaku kwawolwimi.
 - 1–5 iingongoma ezicatshulwe ngqo: Mekanikwe inqaku lolwimi LIBE LINYE.

QAPHELA

- **Ubalo-magama:**
 - Abakorekishi kulindeleke ukuba baliqinisekise ukuba alidlulanga kuma-70 inani lamagama asetyenzisiweyo.
 - Musa ukuthabatha amanqaku ukuba umlingwa akalibonakalisanga inani lamagama asetyenzisiweyo okanye ukuba inani lamagama libonakaliswe ngokungachanekanga.
 - Ukuba udlule kwinani eliqingqiweyo, funda ugqibezele isivakalisi eso inani lamagama eliqingqiweyo liphela kuso ungayihoyi intsalela yesishwankathelo sakhe.

IINGONGOMA EZICATSHULWE NGQO		IINGONGOMA EZISHWANKATHELWEYO	
1.	'Yitya ukutya okunamafutha ondla ingqondo ukuze iiseli zayo zihlale ziphilile.'	1.	Zondle ngokutya okunamafutha alungele ingqondo khon'ukuze iiseli zayo zihlale ziphilile.
2.	'Yigcine icocekile ingqondo yakho ngokulala ngokwaneleyo ukuze ifumane ithuba lokuzicoca.'	2.	Yenze ihlale icocekile ingqondo yakho ngokuthi ulale ngokwaneleyo, ibenexesha lokuzicoca.
3.	'Lola ingqondo yakho ngokusoloko ufunda izinto ezintsha ukuze ihlale ivulekile neeseli zayo zitsho zikhule.'	3.	Yenze ibebukhali ingqondo yakho ngokuhlala uyixhobisa ngolwazi olutsha ukuze iiseli zayo zande, ivuleke.
4.	'Sukuxakekisa ingqondo yakho ngokwenza imisebenzi emininzi ngexesha elinye kuba oko kuyenza ingabinamandla.'	4.	Sukuyiphithizelisa ingqondo ngemisebenzi eliqela ngaxeshanye kuba ayizukubanamandla.
5.	'Zakhele ubuhlobo nabanye abantu ukuze ubenokuzithemba nengqondo yakho ihlale ikhululekile.'	5.	Yibanobuhlobo nabanye abantu ubenokuzithemba uhlale ukhululekile ngokwasengqondweni.
6.	'Lwamkele utshintsho olwenzeka ebomini bakho ujonge ukuba lungaluncedo njani kuwe, ungaloyiki, kuba nalo luyayikhulisa ingqondo.'	6.	Yamkela inguqu engqamene nawe ungaloyiki kuba oko kuyayikhulisa ingqondo.
7.	'Yigcine ihlaziye ingqondo yakho ngokuzilolonga ngemithambo nokuba yeyemizuzu engamashumi amathathu ngosuku.'	7.	Yihlaziye ingqondo yakho ngalo lonke ixesha ngokwenza imithambo kangangesiqingatha seyure ngemini.
[80 amagama]		[68 amagama]	

QAPHELA: Izifinyezi okanye ii-akhronim mazingasetyenziswa kodwa ukuba zithe zavela kushwankathelo mazibalwe ngokwamagama eziwameleyo.

AMANQAKU ECANDELO B: 10



ICANDELO C: IZAKHI NEMIGAQO YOKUSETYENZISWA KOLWIMI

Ukumakisha ICANDELO C

1. Upelo:
 - Iimpindulo ezingoogama-nye/eziligama elinye mazimakishwe njengezichanekileyo nokuba upelo aluchanekanga, ngaphandle kokuba isiphene silahla intsingiselo efunwayo yegama
 - Kwiimpindulo ezizizivakalisi ezipheleleyo, upelo olungachanekanga luya kohlwaywa xa isiphene sikweso sakhi solwimi sivavanywayo
 - Xa uvavanyo lujoliswe kwisifinyezo, impindulo iya kwamkeleka xa ifakwe iimpawu zobhalo ngokuchanekileyo.
2. Izakhi zezivakalisi kufuneka zichaneke kwaye zisetyenziswe kwizivakalisi ezipheleleyo/njengoko umbuzo uyalela.
3. Ngokubhekiselele kwimibuzo ekhethisa impindulo echanekileyo, yamkela ZOMBINI unobumba ohambelana nempindulo echanekileyo KUNYE/ OKANYE impindulo ebhalwe ngokupheleleyo njengechanekileyo.

UMBUZO 3

- 3.1 KwisiNgesi✓/esiNgesi.✓ (1)
- 3.2 Kungokuba kutsalwa umdla wabathengi.✓ (1)
- 3.3 D✓/D Azifumaneki ngezinye iintsuku✓/Azifumaneki ngezinye iintsuku.✓ (1)
- 3.4 ... enye.✓ (1)
- 3.5 Ungakwazi ukuskena ikhowudi iQR✓/ungasebenzisa i-App eyi-NeoReader kuyo✓/ungakwazi ukugcina ikhuponi kuyo✓/ungakwazi ukudawunlowuda.✓ (2)
[Nasiphi isibini kwezi.] (2)
- 3.6 Ngokuthi enze ukuba umthengi akhethe isihlangu esixabisa kwalaa mali ebethenge ngayo okanye engaphantsi kwayo✓✓/ ngokuthi enze ukuba le seyile ibengeentsuku ezimbini evekini kuphela.✓✓ (2)
- 3.7 Uphumelele kuba abathengi abaneekhuponi baxhamla ngaphezu kwabo bangenazo, loo nto iza kwenza abathengi bayifune✓✓/kuba abaneekhuponi baneentsuku ezimiselweyo zeseyile evekini, loo nto ikhuthaza nabangenayo ukuba bayifune.✓✓

OKANYE

Akaphumelelanga kuba asinguye wonke umthengi one-smartphone sokugcina le khuponi.✓✓

[Nayiphi impindulo echanekileyo iya kwamkeleka.]

(2)
[10]

UMBUZO 4

4.1 Mfm!✓/nywe-nywe.✓ (2)

4.2 Eyokuba i-ESPN ayiwukhathalelanga umdlalo wehoki, ikhathalele umdlalo wesoka kuphela✓✓/eyokuba i-ESPN ayizihluphi ngakuyilungisa imeko yokungahoyeki komdlalo wehoki.✓✓

[Nayiphi impendulo echanekileyo iya kwamkeleka.] (2)

4.3 B✓/B uyakhalala✓/uyakhalala.✓ (1)

4.4 Sisakhelo sesi-2✓/sisakhelo sesi-3.✓ (1)

4.5 Ndiyavelana kuba ukupapashwa kodidi olunye lomdlalo kwiisizini zonke kubonakalisa ukungakhathalelwa kwabantu abawuthandayo omnye umdlalo✓✓/ndiyavelana kuba ukupapashwa kwebhola yesoka nangesizini yehoki kubonakalisa ukungaxatyiswa kwabanye abantu abadlala eminye imidlalo.✓✓

OKANYE

Andivelani kuba oku kungapapashwa komdlalo wehoki ngesizini yawo akuyithinteli ukuba ingadlalwa.✓✓

[Nayiphi impendulo echanekileyo iya kwamkeleka.] (2)

4.6 Kukuvakalisa ukungagqanyiswa kwezinye iintlobo zemidlalo, kugqanyiswe owebhola ekhatywayo kuphela✓✓/kukubonisa umkhethe okhoyo kwezemidlalo ngokwenkxaso.✓✓

[Nayiphi impendulo echanekileyo iya kwamkeleka.] (2)
[10]



UMBUZO 5

- 5.1 5.1.1 ... onke.✓ (1)
- 5.1.2 Elona qela lakumsayina uJali lelo lakuthi limnike imali enokumonelisa✓✓/elona qela lakumsayina lelo lakuthi limnike imali enokumonelisa uJali.✓✓ (2)
- [Nayiphi kwezi.] (2)
- 5.1.3 B✓/B Isenzo sinakho ukwenzeka✓/Isenzo sinakho ukwenzeka.✓ (1)
- 5.1.4 Kwiiveki ezimbalwa ezidlulileyo.✓ (1)
- 5.1.5 (a) Isiphatho✓/impatho✓/ukuphatha✓ umphathi✓/iphatha✓ (1)
- (b) Siyancomeka isiphatho sale nkokeli kuba kuyo bonke abantu bayalingana.✓ (1)
- [Nayiphi impendulo echanekileyo iya kwamkeleka.] (1)
- 5.1.6 “Ndiza✓ kubuyela/ ndizobuyela✓ ekhaya,”✓ utshilo uJali.✓ (3)
- 5.1.7 (a) Sisivumelanisi senjongosenzi.✓ (1)
- (b) Sisivumelanisi sesimnini.✓ (1)
- 5.1.8 (a) Zonke.✓ (1)
- (b) Zonyaka.✓ (1)
- 5.2 5.2.1 Umdlalo uyimpilo kuye wonke umntu?✓✓/ uyimpilo kuye wonke umntu umdlalo?✓✓/ uyimpilo umdlalo kuye wonke umntu?✓✓ (2)
- [Nayiphi enye kwezi.] (2)
- 5.2.2 Nawe ungadlala njengooThsana aba✓✓/nawe, njengooThsana aba, ungadlala.✓✓ (2)
- 5.2.3 UThsana ukhabela usisi ibhola.✓✓ (2)
- [20]

AMANQAKU ECANDELO C: 40
AMANQAKU EWONKE: 80